

fassen leffet/ das nicht täglichen etwas zubedencken fürfalle. So sollen unsere Praesident vnd Besizere/ wann etwa was zweiffelhafftiges vorfiele/ es belange gleich den Proces, oder die merita, dasselbe in gute acht nemen/ vnd was man sich in solchem fall verglichen/ vnd worauff man erkand/ in ein sonderlich Buch/ mit anziehung der umbstende/ fleißlich zusammen verzeichnen/ damit man in künfftigen fällen sich desto besser darnach zurichten haben/ vnd in Brtheiln gleichheit halten müge.

Ed/ des Praesidenten vnd
Besizer.

ICH N. N. schwere/ Als mich
der Churfürst zu Sachsen etc. Mein gnedigster Herr in S. Churf. G. Appellationengericht zusitzen verordnet hat/ Das ich daselbst zu Recht/ nach meinem höchsten verstendnis sprechen/ thun vnd handeln wil/ vnd das nicht lassen omb liebe/ neid/ gabe/ freundschaft/ noch keinerley sache willen/ auch darumb von den Partheien in sonderheit nichts nemen/ oder wiseentlich wartende sein. Wil mich auch allenthalben